



Naalackersuisutmedlemmet for Finanser

Dato: 11. december 2012

J.nr.: 01.31.06/12-00590

Aningaasaqarnermut Akileraartarnermullu Ataatsimiititaliap sisamangornermi ulloq 6. december 2012-imi aalajangiineranik Naalackersuisunut ilisimatitsineq (suliaq nr. 01.31.06/12-00590)

Puisi A/S-ip akiliisinnaajunaartup aqutsisuiunut kukkunersiuisuinullu taarsiisussangortitsinissamik suliassangortitseqqinnerup atorunnaarsinneqarnera

Naalackersuisut inassutigaa,

- Konto pingaarneq 10.12.10-mi, Suliassangortitsinernut aningaasartuutitut tunngasumi, aningaasaliissutit 9.500.000 koruuninik amerlineqassasut.

Aningaasaqarnermut Ataatsimiititaliap oqaaseqaatai

Naalackersuisut aningaasalersuutissanik siunnersuuteqanngimmata qinnuteqaat una IS-ip aamma IST-ip inerneranut 9,5 mio. kr.-inik ajorseriaataassaaq.

Puisi A/S-imi siulersuisuusimasunut, aqutsisuuimasunut kukkunersiuisuusumullu Østre-aamma Vestre Landsretimi suliassangortitseqqinnerit taamaatinneqarnissaat Naalackersuisunit ulloq 11. juli 2012-imi aalajangiunneqarpoq. Tamannalu pissutigalugu suliamut aningaasartuutit, qinnuteqaat una aqutigalugu 9,5 mio. kr.-inut tagginneqartut, 2012-imi akilernissaat Naalackersuisut naatsorsuutigaa.

Nunatta Eqqartuussiviata eqqartuussutiminut nassuiaataa tunngavigalugu eqqartuussissuserisup allakkiaata, Naalackersuisunit suliaritinneqartup, nutserneqarnerata sivirusmik utaqqineqartup Naalackersuisunit nassiunneqarnissaa ataatsimiititaliamit utaqqineqarsimavoq. Naalackersuisut naapertorlugit eqqartuussissuserisup allakkiaa taanna suliassangortitseqqinnerit taamaatinneqarnissaannik Naalackersuisut aalajangerannut tunuliaqutaavoq.

Ilassutitut aningaasaliissuteqarnissamik qinnuteqaat pisariaqanngitsutut ataatsimiititaliamit isigineqartoq oqaatigineqassaaq, tassami akiliissuteqarnissamik piumasaqaatip eqqartuussivimmit atuuttussangortinneqartup allangortinneqarnissaanut ataatsimiititaliaq oqartussaaffeqanngimmat. Tamatuma ersersiinnarpaa akiliisussangornermik taamatut nassataqartussatut naatsorsuutigineqartut Naalackersuisut aalajangiigaangata ataatsimiititaliamut ilisimatitsissuteqarnissap qanoq pingaaruteqartiginera.

Aningaasaqarnermut Ataatsimiititaliamut ilaasortaq Olga P. Berthelsen Puisi A/S-imut suliani tamani attuumassuteqarnini pissutigalugu peqataasinnaanani nalunaarpoq,

taamaattumillu ilassutitut aningaasaliissuteqarnissamik qinnuteqaatip uuma suliarineqarnerani aamma peqataanani.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Illassutitut aningaasaliissuteqarnissamik qinnuteqaatip uuma isertuussassaanerata taamaatinneqarnissaa Aningaasaqarnermut Ataatsimiititaliamit toqqarneqarpoq, tassa isertuussinissamut tunngavissaarummat.

Ataatsimiititaliaq sinnerlugu



Andreas Uldum

Ataatsimiititaliap siulittaasua

Assilineri: Kukkunersiuinermut Ataatsimiititaliaq